

湘潭縣志



湘

潭

縣

志

叙



中湘文獻之區也恭逢
聖朝休養生息政教所被隆隆
然日進於古環視四疆阡
陌繡錯生齒殷繁以作以
息淡忘於熙皞之天於是
芹宮類沼春誦夏絃各溯

淵源譚經濟厚自砥礪以
盡啓山川之靈故宿學名
臣忠孝節義往往接踵其
間蓋生民之安堵久矣甲
戌初春正音奉
簡命來視茲土下車之始進求
邑乘將討其文獻之遺攬

其張弛措置之跡以裨益
所未逮而簡編殘缺至漉
漫不復可辨識於是謀重
輯之或曰邑志之不脩已
七十年矣

國初史侯姜侯相繼纂次皆
操鉅筆為潤色顧以兵燹

之餘因就簡略今且叩之
高閣若叔孫綿蕞多所不
傳而驟議脩之果能為東
氏之補亡乎或又曰曩者
嘗數議脩矣或道謀而輒
寢或野求而自秘或慨然
始事未幾衆口踴躍卒持

其後晚當事者而掣之肘
今試咨嚮之議脩者非依
然賢父母乎而訖無成書
則甚矣邑志之修之難也
而柰何若是易之正音曰
噫嘻余固知其難也顧邑
曷以有志志邑之所以治

也湘近處省會西南當水
陸之衝膺其寄者率鞅掌
不暇給稍給矣時亦顧此
而遺彼今夫鏡司照者也
其地其人其物之紛紜叅
錯變易遷移瞬曙百態則
所以施其照者也必至而

後及之不及則照遺矣而
皆於志乎備之志可以不
脩乎會

各大憲檄脩省志為大湖以
南數千年来垂不朽盛事
而潭且無以為文獻徵爰
刻期集紳耆而周諮之旁

搜近討翳夫山川風物城
郭土田生聚之繁津郵之
要以及村鎮之踈密民俗
之異同人材之分途而並
驟行誼之殊轍而符趨凡
守在官司垂為典禮前志
之軼而不存存存而不論者

悉加蒐訂以期於傳信而後已藁成繕呈

桂林大中丞惠蒙斧藻復進正音而親教之然後受而付之剞劂則甚矣茲志之脩之難也初正音之議始厥事也亦既矍然思畢然

望毅然而不能以已乃受斯土治斯民簿書甫集案牘琴如幾纍纍盈千矣方分條計日一滌陳因旋以聖廟未崇率紳士而併園之更歷歲餘而後乃今得萃力於斯又數閱月而緒始畢

回念鄉者下車之初此意
何時暫釋亦幸而經營撰
摛積久成專掇韻拾遺條
理粗具文獻之徵或什一
存也嘻豈不難哉是後也
以云紀七十年以來之略
其庶幾乎以云補七十年

以前之缺則何敢

乾隆丙子孟夏上澣之吉

文林郎知湘潭縣事蜀

東呂正音撰



舊序

明嘉靖癸丑陳序

湘潭夙荆楚之地今長沙之屬邑也鍾靈毓秀產
多聞人聖天子慮民之俗古而移於染也歲丁嘉
靖癸丑命予來尹茲土而左右之責與有寄焉予
將觀風氣之所宜而轉移之詢諸鄉老有遺聽也
將觀古今之得失而進退之訪諸閭閻有遺情也
將觀疆域道里之通塞山川都鄙之條理而制其
經造其變身歷之有遺踪也孰若證諸志之可坐
而得哉爰索而覽之則固創撰於馬君璵載校於

湘潭縣志

卷首

舊序

一

胡君東陵而時彥之博洽者又從而增新之者焉
閱是志也豈特有以知邑之故君子可以觀政矣
蓋沿革之譜紀世變也分野之識稽列宿也地理
之綜順地利也食貨之錯備養道也官師之列均
董治也選舉之詳別賢知也建置之脩庇有衆也
祀典之定正祭義也名勝之集徵遺蹟也物異之
書倣災變也方外之錄闢左道也藝文之叙秩德
音也是故世變紀而風會可逝矣列宿稽而氛祥
可察矣地利順而斯民可域矣養道脩而民生可
厚矣董治均而庶政可和矣賢知別而豪傑可奮

矣有衆庇而民可使懷矣祭義正而祀可無淫矣
遺蹟微而宴遊可節矣災變儆而弭禳可預矣左
道闢而民行可興矣德音秩而文教可崇矣修此
以治達之天下貽之後世亦可也而况於邑乎况
於今日乎第未暇刻鏤以廣其傳歲久編殘教或
有時而弛斯則可懼矣刻之其容已哉雖然是志
也謂能紀湘潭之所宜載則可謂湘潭之所宜載
而盡於是焉則猶未也方今大郡伯鄭總治教於
上而德化覃洽乎部轄下而吾邑則有寅丞劉君
寧判楊君秀鍾幕羅君臣之分任其治又如司諭

鍾君世賢司訓嚴君崇教之分任其教皆能仰贊
政教而有志隆古者也安知豪傑之興於今者不
追越於昔而後之胤厥志者不有光於今也哉今
之刻為之兆耳序此以識歲月云明嘉靖三十二
年十二月之吉南畿進士授文林郎知湘潭縣事
丹陽陳應信書

萬歷乙卯包序

潭名邑也湖嶽之所映譽髦之所都古騷人勝士
之所遊詠謂宜有繽紛奧麗之文章以發之而舊
志特澇漶亡次黥黥無色聞其初僅成一二老生

手故宜所就如是鴻達甫驅車至怒馬傷之會事
小定亟請諸官諭李先生而屬博物洽聞如蔡石
兩孝廉者分授簡之役其一筆一削一出入則
惟先生稟焉志成蕪者以精蒙者以麗格有過嚴
而無濫貸財有宏庀而無隘蒐亦既卓然稱絕代
矣而余獨有感於晦明倚伏之故也夫以潭之靈
秀而久困於惡札如美人蒙面皓月翳雲良苦然
亦惟庸惡陋劣之極先生乃一大剗之而山川蔚
如改觀且以先生命世之才處揆天之任何難勒
一代良史而坐令婆娑泉石辱而志於榆之彈丸

豈非太平欠事然使先生今日居蘭臺石室之上
旦夕平章軍國正未必能揣意於編摩就使聖朝
以一代之史屬先生而衆實為政河俟難清亦必
不能急就而盡伸其意挈此衡彼所得果孰多哉
若余蓬心塵面久恐湘靈笑人而亦托先生以傳
真可幸也尤可愧也雖然邑之有乘也非徒侈景
物備典故而已將必有民風吏治隱躍以見者焉
俯仰茲土百年俗何以昔愿今濃齒何以昔涼今
汰度何以昔舉今墜而長吏之不得其職者多矣
然則是志也謂志吾過焉可也三復掩卷其何以

謝先生併謝潭之山川萬歷乙卯九月九日文林
郎知湘潭縣事秀水包鴻逵謹書

國朝順治己亥史序

潭於湖南為劇邑其山川人物視列邑又最有聲
邑劇凡長吏理絲改絃求奏治不暇惟有聲則撮
而志之也難今

上皇皇望天下更化易俗以釐剔朽蠱諸大臣搜各
屬軼事修國乘以示維新宗堯承乏潭疆捧符牒
歎曰烏有其人稱父母一邑而不諳家譜不了先
世矩矱源流及人事廢興是孰里子所謂官民也

湘潭縣志

卷首

舊序

四

非父母斯民者也學古入官之謂何始索諸版圖
謝無有中求者舊謝無有終購遺編一二又簡且
殘爰集縉紳名士而周謀之僉曰予子大夫事也
謝不敢宗堯曰翳諸君子力也其毋費辭申三約
而咸推其成於郭君金臺郭受事又再拜請曰凡
今潭志有三難而踈陋不文之責不與焉以

興朝述勝國詳則近侈遺則失實一難也以創始垂
成憲後起必備而前事必簡二難也以遺民言時
政諱詞失直直或失橫三難也宗堯曰否否三代
不易民而治自馬遷後廿一史辭事各相師何新

故之岐召杜以繼治垂聲廉范以更令興頌東西
列漢初中盛晚列唐熙寧元祐分宋不惟其法惟
其人何始末之嫌詢芻蕘則古謀藜藿則遠何民
吏之隔於是戒期繕館遠徵近輯以事投覈之以
言告闕之吏以時稽之又裁可否之合繕梓諸手
而聚處之自春徂秋四閱月而纂事畢五閱月而
鐫事竣計版一百六十三片計字九萬二千五百
三十餘言先志修於明嘉靖三十二年知縣陳應
信嗣修於明萬歷三十四年知縣包鴻達今志增
入陳志十之四詳於包志十之五其今事不及二

志又十之四五志成宗堯受而讀且愾然曰增入
者吾恢之詳者吾鏡之其不及於古者幾何時何
事何術之能殷遂也其曷敢藉口劇邑以謝官箴
順治十六年八月朔文林郎知湘潭縣事上谷史
宗堯撰

康熙甲辰鄭序

邑有乘國有史古太史採風列邑而後備一國之
書是乘實史先資也才如韓退之尚讓史不為選
選邑乘即任人受事是視乘無裨史學也潭志纂
於明萬歷秀水鴻達包公屬筆於太史岫嶠李公

清興修於上谷史公宗堯緝事於邑諸名宿鑒定於彭禹峰先生不可謂不重其人不嚴其事矣予不佞公餘探索竊疑李志在前代為太畧而史志在興朝為近繁官師人物不列漢唐以上表彰不及賤微名勝不錄古今題詠是李志宜博採也潭自杭秣一熟外無他異物何列乎物產詩文雜作不切風土何愛乎彙收王言舊緒或存或亡不成全璧何綴乎誥勅則史志宜精核也又况官師賦役夫馬款項改絃易轍有關新政者乎於是進揖魏子唐君復訂幼隗郭君暨順之易君篤生劉君山長

王君適西許君諸君子堅授予意以直筆為刪潤焉經年餘而論始定展三月而鐫始竣成非喜新也懼其以疑事而誣邑乘使異日修國史者有所折衷徵信焉是予之志也即潭志之所由紀實也謹序文林郎知湘潭縣事燕山鄭有成撰
康熙己未張序

稽古賢大夫司牧之日惓惓諮所在田賦戶口物產謠俗以明乎盈絀衆寡同異真淫彙而編之厥名曰志何也志者史之餘也郡縣之有志猶國之有史也昔鄭侯入關先收圖籍識者謂其知謀國

之大體朱紫陽守南康先探罷志君子謂其所
先務則所重者可知矣余於己未春莅茲土兵燹
之後城郭黍離闐闐虛無人瞻迴四境桑麻不莠
獸蹄鳥跡雜於瓦礫榛莽中曾馬首泣數行下隨
疾聲招徠舌敝頰脫而哀鴻甫集未久則羽檄催
科軍儲孔亟兢兢輸輓之不遑何暇徵文考獻博
蒐精覈而從一邑之志詳其略補其缺輯於倥偬
之際哉余竊以此自愧矣閱一歲奉命急公猶未
逮輒不禁祗徊而太息曰嗟乎今日分龐明日鞅
掌率皆力役芻糧事奈何纂修典故卒無期不致

廢墜殘缺者終焉已乎余雖不敏且端藉鷄晨燈
夕搜覽舊乘載增新款條分縷晰義類昭宣次第
付梓工共記若干卷俾他日治潭者一開緘則田
賦戶口物產謠俗歷歷如在目不徒諳禹貢何州
之域天文何星分野漢晉為何郡宋為何監何軍
元為何路明為何府何州也即簪筆之士循名核
實輶軒之使問俗採風得斯言未始不可以為券
若媿之賢大夫流風善政自顧多慙今是書之成
也又敢曰庶幾近之文林郎知湘潭縣事古晉張

康熙乙丑姜序

自東漢南陽撰記風俗之後郡縣始各自為志凡夫方域區置山川表鎮賦役盈縮陂塘蓄洩物產所宜風俗所尚與夫賢人君子生於斯宦於斯僑寓於斯者咸得備書即下至匹夫匹婦細行外而浮屠老子竒衮亦纖悉罔或遺焉固將使吏茲土者覽其阨塞識其情偽以為補救之方也修仁辛酉冬來令茲土雖叛逆殄絕無多壘在郊之患而入其疆田荒戶耗滿目瓦礫因取邑乘閱之不第山川如故人民已非而所稱名山勝地俱為放牛

湘潭縣志

卷首

舊序

八

牧馬之場矣因思志以傳信茲志板則從新事仍由舊而頻年田地荒蕪丁口散亡以及款件裁支運留等項與夫城署鄉都置郵宮室橋梁坊表較昔迥異仍屬因之何由備太史之採而為一邑之信史哉急欲釐正之又值軍供繁劇簿書鞅掌幾瑟縮而有待也恭逢

皇上頒纂修省會郡縣通志之令爰敦請邑孝廉尹君鳧明經唐君世起張君聞升國學郭君式毅劉君授易併文學石君嶙唐君世越而授事焉數子皆邑耆宿留心典故實克任之而數子不獨任也

仍歸其責於仁仁責無容辭公餘挑燈句研字閱
幾於爬羅剔抉使後之繼仁任者考乘施治如以
右手搔左臂痛癢關切功效畢見不似仁前此之
茫無徵信也雖然江淹有言修史之難無出於志
即昔之稱叙述如陳壽李延壽輩亦不敢作志矧
仁草草勞人敢侈言妄作哉不過謹循憲章據事
直書以無失於闕文之義云爾若夫踵名宦之芳
躅繼人物之高踪綿科甲於盛時垂功勳於彞鼎
大書特書不一書則有待於後之君子康熙二十
四年歲在乙丑季夏望前三日文林郎知湘潭縣

湘潭縣志

卷首

舊序

九

事焦獲姜修仁撰

舊跋

國朝順治己亥史志郭跋

遺民金臺曰志以脩史纂修非予事也辭不被役
史侯序及之凡志不敢言與不及言禹峰先生序
及之予母費辭自受簡後史侯三出符牒示予曰
今上所敬求與諸大臣孜孜垂問者八十年忠孝節
義及祥瑞事紀載惟謹耳予捧檄已揣於中謀於
衆而揆於往籍又謝侯曰若孝節義即敬志之檄
所云忠忠與良異魏徵辨之矣故事開國爵五等